



COMUNU DE CABUDERRA

Tzitadi Metropolitana de Casteddu

Proposta 156
de su 06.02.2023

DETERMINAZIONI DE SU RESPONSÀBILI Setori N.6 - Servìtzis Sotzialis

OGETU: *INSERIMENTU IN COMUNIDADI INTEGRADA DE SINI GESTIDA DE SA COOP.SOC. ADI 2009. SMART CIG ZA739CD2AE.*

REGISTRU GENERALI N. 103 DE SU **07/02/2023**

SU RESPONSÀBILI DE SU SETORI

Cunsideraus is atus chi sighint:

- Su Statutu Comunali, aprovau cun Deliberatzioni de su Consillu Comunali n. 50 de su 19/09/2000;
- Su Regulamentu asuba de s' ordinamentu de is ufizius e de is servìtzis, aprovau cun Deliberatzioni de Giunta Comunali n. 213 de su 28/12/2012, mudau cun deliberatzioni G.C. 146 de su 16/11/2016, G.C. 52 de su 29/03/2019 e G.C. 175 de su 01/12/2021;
- Su Regulamentu Comunali de contabilidadi, aprovau cun Deliberatzioni de su Consillu Comunali n. 2 de su 26/01/2017;
- Su Regulamentu Comunali po sa disciplina de is Cumpudus Internus, aprovau cun Deliberatzioni de su Consillu Comunali n. 87 de su 14/12/2015, mudau cun deliberatzioni G.C. 68 de su 30/11/2017;
- Su Còdixi de cumportamentu de is dipendentis de su Comune de Cabuderra aprovau cun Deliberatzioni de Giunta Comunali n. 205 de su 29/12/2021;
- Su Programa de Tres Annus po sa preventzioni de sa Corrutzioni e sa Trasparèntzia 2022/2024, aprovau cun Deliberatzioni de Giunta Comunali n. 62 de su 28/04/2022.

Bius:

- su D.Lgs 18/08/2000, n. 267;
 - su Decretu Sindacali n.77 de su 29/12/2022 chi pertocat s' affidamentu de s' incàrrigu de Posizioni Organizativa de su Setori n. 6 a sa Dotora Marongiu Antonella– Cat. D);
 - sa Deliberatzioni de su Consillu Comunali n. 66 de su 05/08/2022 chi at aprovau su D.U.P. 2022/2024;
-

- sa Deliberatzioni de su Consillu Comunali n. 67 de su 05/08/2022 chi at aprovau su Bilàntziu de Previsioni 2022/2024;
- su c. 775 de s' art. 1 de sa L. 29 de idas 2022, n. 197 (Lei de bilàntziu 2023) chi previdit ca sa scadèntzia po s'aprovatzioni de su bilàntziu de previsioni po su 2023 est torrau a stabiliri a su 30 de abrili 2023;
- su D.Lgs n. 165/2001;
- su D.Lgs n. 118/2011;

Donau atu chi:

- s' istrutòria po s' adotzioni de custu atu etotu dd' at cumprida s' assistenti sotziali Daniela Piras;
- cunforma a s'art. 6 bis de sa lei 7 de austu 1990, n. 241 e no ddoi funt situatzionis de cunflitu de interessu;
- custu provedimentu s' at a averiguai cunforma a su Regulamentu Comunali po sa disciplina de is cumpudus internus, aprovau cun sa Deliberatzioni de su Consillu Comunali n. 87 de su 14/12/2015;

Postu chi:

- sa lei regionali n.23/2005 "Sistema integrau de is servìtzius a sa personi - Abrogatzioni L.R.n.4/88" previdit s' inserimentu de disàbilis e antzianus no autònomus ainturu de struturas protetas;
- cun deliberatzioni de sa Cunferèntzia de servìtzius de su Plus Àrea Ovest n. 3 de su 23.02.2022 s' est aprovau su "Regulamentu po su pagamentu de s' integrazzioni de sa pesoni de arricòveru in struturas residentzialis sòtziu sanitàriu (RSA e Comunità integrada ex domu proteta)", po nc' assegurai uniformidadi a totu is Comunas de s' àmbitu Plus Àrea Ovest;
- cun deliberatzioni de C.C. n. 22 de su 23.03.2022 s' est pigau atu de sa deliberatzioni de sa Cunferèntzia de servìtzius de su Plus Àrea Ovest arremonada in susu;

Bidas is linias Ghia de sa Determinatzioni n. 4 de su 07/07/2011 de s' ANAC, aggiornada cun Delibera n. 556 de su 31/05/2017 e Delibera n. 371 de su 27/07/2022 innui in su puntu 3.5 arremonat sa normativa asuba de sa traciabilidadi de is mòvidas finantziàrias e is maneras de nc' achiriri su CIG, chi s'ant a imperai finas po s' arricòveru de sugetus disàbilis in is struturas acreditas, e me in struturas in RSA po mannas de edadi;

Ca:

- in sa Comunità Integrada de Sini gestida de sa **coop. Sociale ADI 2009** cun sedi legali in Bia de Santa Maria Chiara in Casteddu - partida iva 03217050926, a oi arresurtat chi nci bivat unu tzitadinu disàbili cabuderresu;
- su tzitadinu depit sighiri a bivi in sa Comunità Integrada de Sini e si funt cuantificadas is economias chi serbint (de su 1 de gennàrgiu 2023 a su 28 de friàrgiu 2023);
- is cuntratus de servìtziu cun is sotziedadis arremonadas funt ativas po mèdiu de acrèditu de is struturas sotziosanitàrias de parti de su Distretu sotziosanitàriu *Area Ovest* de sa ATS de sa Regioni Sardigna;

Ca serbit s' impinnu de gastu a favori de sa coop. Sotziali ADI 2009 cun sedi legali in Bia de Santa Maria Chiara in Casteddu - partida iva 03217050926 – chi tenit sa gestioni de sa Comunità integrada de Sini;

Cunsiderau chi sa dotazioni finantziària est a disponimentu in su capìtulu 724201 de su Bilàntziu 2023/2025, assentau in s' annu 2023;

Donau atu chi cunforma a s' art. 9, c. 1, lit. a), de su Decretu Lei 01/07/2009 n. 78, tramudau in sa lei 03/08/2009 n. 102, s' est averiguau ca su gastu est cumpatibilu cun is stantziamentus de bilàntziu (art. 91 de su TUEL) e cun is arrègulas de finàntzia pùblica;

DETÈRMINAT

De pigai atu chi su tzitadinu cabuderresu at a s'ighiri a biri in sa Comunità integrada de Sini, de su 1 de gennàrgiu 2023 a su 28 de friàrgiu 2023, cun sa gestioni de sa coop. Sotziali ADI 2009 cun sedi legali in Bia de Santa Maria Chiara in Casteddu - partida iva 03217050926;

De impinnai cunforma a s' artìculu 183 de su D.Lgs n. 267/2000 e a su printzìpiu contàbili aplicau, all. 4/2 a su D.Lgs n. 118/2011, is sumas chi currispundint a obligatzionis perfetzionadas a manera giuridica:

-€. 2320,00 a favori de sa dita coop. Sotziali **ADI 2009** cun sedi legali in Bia de Santa Maria Chiara in Casteddu – partida iva 03217050926 – chi tenit sa gestioni de sa Comunità integrada de Sini, a disponimentu in su Capìtulu 724201 de su Bilàntziu 2023-2025 – annu fiscali 2023;

De donai atu chi is generalidadis de s' interessau funt riservadas e s' agatant in su schema in acàpiu a custu documentu etotu;

De assentai su gastu de **€ 2320,00** a favori de sa dita coop. Sotziali **ADI 2009** cun sedi legali in Bia de Santa Maria Chiara in Casteddu – partida iva 03217050926, in su capìtulu de bilàntziu;

De averiguai, po su cumpudu preventivu de regularidadi amministrativa-contàbili cunforma a s' art. 147-bis, c. 1, de su D.Lgs n. 267/2000, sa regularidadi tècnica de custu provedimentu, po su chi pertocat sa regularidadi, legitimidadi e curretesa de s' atzioni amministrativa de parti de su Responsàbili de su setori;

De nci trasmiti custa determinatzioni a su Servìtziu Finantziàriu.
